

HISTOR ADMIRABL DEMEUZ AR BOUDEDEO

Pehini abaoe maro hor Zalver, ne ra nemet bale nos ha deiz ac'hann da fin ar bed, abalamour d'an effronteri an devoa bet en andret hor Zalver Jesus-Christ, pehini, pa voa o vont d'ar maro a falvezas dezan disquiza var e stal, hac e teuas d'en rebuti evel eur scelerat.

Var ton : **Guerz Santez Anna**

Asistantet enorabl, tostañ da glevet
Ar vuez pitoyapla a voe biscoas ar bed ;
An histor zo truezus demeus ar Boudedeo.
A zo nôs-deiz o vale aboe hor Zalve maro.

Eus a tribu Nephtali, a guêr Jérusalem,
Voa ganet Absarius, carguet a anathem ;
Dont a ras ar bed-ma en amzer Herodes,
A felveas massacri Jesus, Mab ar Verc'hez.

Va zad a voa ur c'halve, va mam kemenerez,
Hac a laboure en temple da ober broderez ;
Ha va c'herent am desqas da lenn leor al lezen,
Hac hini ar Brofetet ivez a dra certain.

Goude e voen demeet gant va c'hereat afin,
Da eur vreg fur a prudant a tribu Benjamin,
A biñ'm boe tri buguel en amzer ma teuas
Autrou Sant Yan Badezour d'annonç ar Messias,

Sant Yan a gonvertissas calz eus ar bayanet
Pere voa idolatret, caledet er pec'het :
Dec mil den en eun devez en deveus badeet,
Me, va greg, va bugale e voamp bet o yelet.

Va greg a lavaras din : va fried emezi,
Lekomb en em vadezi, enont e ar Messi ;
Ha me o respont dezi gant un ear direspet :
Na ni nac hor bugale ne vimp qet badeet.

Aben eun nebeut goude Sant Yan voe dibennet
Dre urz roue Herodes, eun den cruel meurbet,
Ha ma teuas hor Zalver evit rên en e blaç ;
Hac a ras dre ar c'hanton calz a viraclou bras.

Clêvet e meus bet Jesus alies o sermon,
Hep ne meus bet profitet eus e bredication ;
Va-nan e voa presant p'en doa rassaziet
Dec mil den gant hemb para ha goudeze pesquet.

Me Boudedeo malçurus a velas c'hoas souden
Jesus o ressucita Lazar, breur Madalen,
Ha güelet dibossedi calz a dud possedet,
Ha sivoas din pec'her bras, ne meus tam profitet.

A ben eun nebeut Goude voe Jesus kemeret
Gant calz eus a judevien er jardin Olivet,
Ha condaonet gant Pilat da rancout da zouguen
Ar groas pouner ha mezus evit ar bec'herien,

Pa voe ar groas achuet, hor Zalver voe samet,
Da vont da venez Calvar da vea crucifiet :
O velet an dud o redec, me guemer va buguel,
Ha me mont da dal an nôr pa yê en da vervel.

Cetu Jesus o tremen neuze abiou va zi,
Pehini en tal va stal a deu da reposi,
Ha me lavarar dean gant eur gomz arrogant
Qê alesse euz va stal, te zo eun den mechant.

Ganes on dizenoret gant da ilfronteri.
Pa quêlân o reposi amân e tal va zi ;
Querz alesse, den ingrat, cos sorcer milliguêt,
Querz alesse d'ar maro pe c'heus he meritet.

Jesus a resbontas din gant eur voez truezus :
Mont a ran da bartia, den fall, den maleçurus,
Me reposo gant va Zad, te valeo bepret
Dre bêvar c'horn ar bed-mâ ac'han da fin ar bed.

Ia, te veleo, ac'han dar jujamant,
Hac er c'hoste deo d'am Zad am velo suramaant
O varni ar bec'herien pere voa condaonet
Da vont d'ar flamou gries, ar re just d'ar joaüset.

Pa glêvis comzou Jesus, va c'halon voa touchet,
Ha me rêi vo bugale eun istant d'am pried,
Ma velis ar Veronic o sec'hi bisach Jesus.
Ha chom en he mouchouer e boltret truezus.

He ellout n'em arrêti e heuillis hor Zalver.
Hac e velis va Jesus ha calz graguez santel :
Ar bourrevien d'ar Verc'hez o deveus lavaret :
Cetu amâ an tachou ma vo ho Mab staguêt.

P'am boe guelet hor Zalver o vervel var ar groas
E creiz etre an daou laer carguet a boanniou bras,
Ha me commença va beach gant calz euz a anquen
O tont da laret adieu da guer Jerusalem.

Sonjit eta, Bretonnet, peguement a c'hlar'har
En deus ar Boudedeo breinâ var an douar !
Rancoul quitted e gartier, e vreg, e vagale,
Hep qiniadi diouto, evit atao bale.

Pa en devoe baleet eun nomb a vlaveziou,
Ec'êruas en Ejjpt, pel bras demeus e vrô,
Eno e mâ ar Mor-Rus, elec'h m'oe tremenet
Moyses gant pobl Doue, hep cavout drouc ebet.

Mont a ris eus ac'hane da enezen Candi,
Elec'h emedi en noas an dud a zo enni :
Eno e velis eun tad o trec'hi a damou
E verc'h evit sacrifici da rêi d'o doueou.

Mont a ris da Malhodo, e pelec'h eus tud drol,
Pere a ador Doue hac an diaoulou oll ;
Pedi reont Doue da gaout prosperite,
Hac an diaoul a bedont ne râi qet drouc dêze.

Guelet e meas er Japon ur vam meurbet cruel,
Aini'deas da laza, sivoas, e daou buguel.
Er vro-ze e permettet laza ar bugale
Pa n'o deus quiet a vara da rêi dêze.

Goude'quememis an hent da vont d'an Enezi,
D'an Americ, d'An Asi, ha neuze d'an Turki
Ar graguez eus var vro-se a vale d'an arme,
Hac an ezac'h o deus soign demeus ar vugale.

Eno emedi ar c'his da laza ar botret,
Nemet unan dre famill ne ve james miret.
Be'o deus eur rouanez a ro commandamant
Da laza an oll botret, hep caout de nep damant

Er guer eus a Garniol eus ur c'his drol meurbet
Rac eno an ded yaouanc, pa vezont eureujet,
E ranc ar vreg yaouanc, nos qenta e heured,
Mont da gousquet gant ar prinç, vit beo enoret,

Bet on ebars eur c'hoad hanvet Cisaria,
Elec'h ma eller bale cant leo d'an neubeuta,
Hep cavet dour da eva, na feunteun, na rivier,
Ar pez zo goal incomod da oll dud ar c'hartier.

Monet a pis c'hoas pelloc'h d'ar guer a Vosopa
Pini zo eus he divoal eur prinç eus an drola :
Ur vanden chaç a merc'het en deus evit gardou,
Ha n'en deus qen sourdadet evit difen e vro.

Ac'hane'jis da eur guer zo hanvet Estopet
Elec'h ma zeus serpentet ha loened vil meurbet
Zo qer teo ha corf un den sur ma vent muzuret
O deveus d'an nebeuta daou-iguent troated het

Et spaç demeus a gant vloas ez on bet o vale,
Ha me eruont adare em bro hac em c'hontre ;
Allas ! maro voa va greg coulz ha va bugale,
Ha den ebet eus va bro certen n'an anavee.

Neuze e teus da Rom, ebars en Itali,
En amzer-ze e voa calz eus a c'hlar'har enni ;
Guelet'ris marzeria nomb bras a gristenien,
En defot ne renoncet d'o feiz ha do lezen.

Me a vale ar mor coulz ha var an douar,
Ha me partiel neuze evit ar Franç, bro rar?

(Specialité d'impressions en langue bretonne)

E Marseil, Bourdel, Paris, Niort, Naonet, Lyon
Ach'ane da Vreiz-Izel, d'ar guer vrao a Roazon.

Guelet e meus Montroulez ne voa nemet eur c'hoad
Ha guelet Brest ha Qemper ebars en douar prat
Ha guelet ar gær a Is en e frosperite,
Hac ar gær a Lexovi a meus guelet ive.

Guelet e meus Breiz-Izel en coad ha menezou,
Ma zoat evel sovajet nevze ebars er vro ;
Me a vel calz a gueriu er vro-se batisset,
A ra calz a chenchamant abaoe ma zon bet.

Me vel ar guer a Roazon eur guer gær batisset
Dol, Guenet a Sant-Malo, Dinan hac an Naonet,
Sant Brieç ha Landreguer, Lannion, Montroulez,
Castel-Pol ha Lesneven ha Landerne froue.

Ar c'hæriou zo meus guelet e coad hac e prajou
Pa deus d'ober va veach qenta e bars er vro ;
Cetu batisset Qemper, ha Brest ha Recouvranc,
Qemperle, Moelan, Kerabes ebars en assuranc

Anfin, pa on condaonet gant Doue da vale,
Me zo bet en em gavel e creiz meur a arme ;
Canoliou a fusiliou, clezevou, sabrennou,
Netraa ne de-bet capabl de rei din ar maro.

Bet on ebars en listri a zo bet perisset,
Hac an dud a voa enne a meus guelet beuzet,
Ha me hanvet Boudedeo n'en bije drouc ebet
Comzou Doue a ranc bea accomplisset.

Condaonet e zan ganta da chom var an douar ;
Comprenit oll christenien, ema zo din glac'har !
Va zourmanchou er bed-ma biqen na echuo
Qen a deui Doue da varn ar beo hac ar maro.

Ar som eus a bemp goennec so em godel bepred
James ganet nep seurt clenvet me ne don attaque
Bet on ebars en broyou elec'h m'oa ar vocen,
Hep na zeus staguez ouzin na clenvet nac anqen.

Va boutou na va dillat james na uzont qet,
Dre bermission Doue a meus bet offancet ;
Peder guec'h a meus redet pevar horn ar bed-ma,
Ha guelet e meus ive calz chenchamant enna.

Brema e zon comancet da redeç a bempet,
Hep ne don ambarasset gant dibri na cousquet ;
Guelet a meus bet broyou zo bett oll revinet
Ha calz demeus a guerou gant ar gurun devet.

Ne meus pet calz amzer evit chom da barlant
Me a gred e ma va zreid vargore glaou ardant,
Nan, ne zeus nemet Doue a elfe discleria
Ar boanniou bras a soullran qerqent ma reposan.

Pebes maleur e din-me bea bet rebutet
Demeus a guichen va stal Jesus Salver ar bed
Pa voa o vont d'ar maro, da zon da zisquiza
Ha me neuze dre dre valeur a zeuas d'e zispriza.

Ema e ar maleur bras a meus var ar bed-ma !
Emon atao o vale euspen trivarc'h hant vla,
Ha c'hoas e ranqan bale ac'hen da fin ar bed :
Pedit Doue evidon, ma zin d'ar joaüstet,